



## 2000-жылды Мәдениетті қолдау жылы деп жариялау туралы

Қазақстан Республикасы Президентінің Жарлығы 1999 жылғы 28 желтоқсан N 316

Қазақстанның көпұлтты мәдениетін жаңғырту, сақтау және өркендету мақсатында  
қ а у л ы е т е м і н :

1. 2000-жыл Мәдениетті қолдау жылы деп жариялансын.

2. Қазақстан Республикасының Үкіметі:

1) 2000-жылғы 20 қаңтарға дейінгі мерзімде Мәдениетті қолдау жылын өткізу жөнінде Мемлекеттік комиссия құрсын;

Әдебиет пен өнердің көрнекті қайраткерлеріне, қоғамдық бірлестіктер, ұлттық мәдени орталықтар, шығармашылық одақтар, діни ұйымдардың басшыларына Мемлекеттік комиссияның құрамына ену жөнінде ұсыныс жасасын; орталық атқарушы органдардың басшыларына, облыстардың, Астана және Алматы қалаларының әкімдеріне осы тәрізді комиссиялар құруды тапсырсын;

2) 2000-жылғы 20 қаңтарға дейін Мәдениетті қолдау жылын ұйымдастыру және өткізу жөніндегі, көпұлтты мәдениеттің барлық салаларын жаңғырту және өркендету мәселелерін қамтитын іс-шаралар жоспарын бекітсін;

3) Мәдениетті қолдау жылына байланысты іс-шараларды қаржыландыруды заңда белгіленген тәртіппен жүргізсін;

4) Мәдениетті қолдау жылы аясында белгіленген іс-шараларды бұқаралық

ақпарат құралдары арқылы кең түрде насихаттауды және жариялап отыруды қамтамасыз етсін;

5) Мәдениетті қолдау жылын өткізу жөніндегі Мемлекеттік комиссияға Жалпыұлттық татулық пен саяси қуғын-сүргін құрбандарын еске алу, Халық бірлігі мен ұлттық тарих, Ұрпақтар бірлігі мен сабақтастығы жылдары жүргізілген жұмыстарды жалғастыруды тапсырсын.

3. Осы Жарлық жарияланған күнінен бастап күшіне енеді.

Қазақстан Республикасының  
Президенті

Оқығандар:

Қасымбеков Б.А.

Икебаева Ә.Ж.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК